

Co-òrdanaiche nan Cùrsaichean Goirid



Fios mun Dreuchd

www.smo.uhi.ac.uk

Tha Sabhal Mòr Ostaig na charthannas clàraichte an Alba SC002

A charaid/A bhanacharaid

Tha sinn fìor thoilichte gu bheil sibh air ùidh a nochdadh san dreuchd Cò-òrdanaiche nan Cùrsaichean Goirid aig an t-Sabhal.

Annas a' phasgan seo, thathas air beagan fiosrachaidh a tharraing ri chèile airson blasad a thoirt dhuibh air na bhios a' dol aig a' Cholaiste agus air an t-seòrsa àrainneachd-obrach a tha againn. Tha 112 neach-obrach ag obair don Cholaiste (cuid aig astar) agus tha eachdraidh làidir againn a bhith ag obair mar sgioba le dàimhean làidir agus feallsanachd co-obrachail. Seo mar a tha am fiosrachadh air a roinn dhuibh:

- Cùrsaichean is Oileanaich
- Roinnean na Colaiste
- Fiosrachadh Feumail Eile
- Tuairisgeul obrach
- Sònrachadh Pearsa
- Cumhachan Obrach
- Fios mu Iarrtasan

Tha sinn an dòchas gun còrd na leanas ribh agus gum bi sibh airson ur n-iarrrtas a thoirt air adhart chun na h-ath ìre. Ma tha ceistean sam bith agaibh no ma tha am barrachd fiosrachaidh a dhìth oirbh faodar fònadh thugainn aig àm sam bith.

Le deagh dùrachdan



Stiùiriche Chorporra
01471 888 301 nnt.smo@uhi.ac.uk

Tha àrainn oideachaidh air leth aig Sabhal Mòr Ostaig. Tha na cùrsaichean agus a' Cholaiste gu lèir tro mheadhan na Gàidhlig - an aon Cholaiste den t-seòrsa san t-saoghal. Tha a' Cholaiste stèidhichte ann an Slèite anns an Eilean Sgitheanach, sgìre a tha ainmeil airson bòidhchead na h-àrainneachd.

***“Far am faigh a h-uile neach cothrom
pàirt a ghabhail
ann an leasachadh na
Gàidhlig”***

Chaidh a' Cholaiste a stèidheachadh ann an 1973 agus bhon uair sin tha i air cliù a chosnadh air feadh an t-saoghail mar Ionad Nàiseanta airson Cànan agus Cultar na Gàidhlig. 'S e colaiste spèisealta a th' innte, a' tabhann foghlam àrd-ìre, foghlam leantainneach agus cothroman rannsachaidh. Tha Sabhal Mòr Ostaig mothachail air cho cudromach 's a tha bunait làidir airson a' chànain, a' chultair agus nan ealan agus tha i an sàs ann an iomadh pròiseact gus seo a thoirt air adhart.

Amas na Colaiste

Tha Sabhal Mòr Ostaig airson a bhith na shàr ionad acadaimigeach aig cridhe leasachaidhean ann an cànan agus dualchas nan Gàidheal le bhith a' tairgsinn deagh chothroman foghlaim, trèanaidh agus rannsachaidh tro mheadhan na Gàidhlig agus le bhith a' dol an sàs gu h-innleachdach còmhla ri daoine eile, luchd-ghnìomhachais agus a' choimhearsnachd air fad gus leasachaidhean sòisealta, dualchasach agus eaconamach a chur air adhart. Tha a' Cholaiste na h-àite foghlaim làn-Ghàidhlig agus na h-àite gnìomhachais làn-Ghàidhlig, le sàbhaladh, brosnachadh agus leudachadh na Gàidhlig mar phrìomh adhbhar na Colaiste.

Luachan na Colaiste – Ro-innleachd SMO

A' brosnachadh Co-ionannachd

Tha co-ionannachd aig cridhe obair na Colaiste anns a h-uile dòigh.

Miann

A' togail air soirbheachas mar Ionad Nàiseanta Cànan is Cultar na Gàidhlig gus coimhearsnachd na Gàidhlig a mhisneachadh agus a neartachadh.

A' Ghàidhlig

Tha an cànan aig cridhe obair na Colaiste agus tha sinn a' dèanamh a h-uile oidhirp airson a neartachadh agus a leasachadh anns gach raon de ar n-obair.

Sàr-ionad

Tha a' Cholaiste stèidhichte airson a bhith na shàr-ionad foghlaim, rannsachaidh agus leasachaidh, ag obair còmhla ri ar coimhearsnachdan is com-pàirtichean ionadail, nàiseanta agus eadar-nàiseanta. Tha e mar amas dhuinn taic a chur ri ar n-oileanaich agus ri ar luchd-obrach a chum maith am beatha.

Aig cridhe na Coimhearsnachd

Tha Sabhal Mòr Ostaig aig cridhe coimhearsnachd na Gàidhlig, aig ìre ionadail, nàiseanta agus eadar-nàiseanta.

Daoine

'S iad ar daoine - luchd-obrach, oileanaich, buill ar coimhearsnachd agus ar luchd-ceuma a tha sgapte air feadh an t-saoghail, an neart as motha a th' againn. Bidh sinn ag obrachadh gu dlùth còmhla riutha gus an Ro-innleachd seo a thoirt gu buil.

Fosgailte agus Onarach

Tha soirbheachas na Colaiste an crochadh gu mòr air a bhith a' dèiligeadh ri daoine gu h-onarach agus gu fosgailte agus a bhith dìreach nar cuid conaltraidh ris gach neach leis a bheil sinn ag obrachadh.

Ùr-ghnàthach

Tha a' Cholaiste air cliù a chosnadh dhi fhèin mar shàr-ionad ùr-ghnàthach aig cridhe leasachadh na Gàidhlig.

A' Cur ri luach eaconamach agus sòisealta

Tha buaidh mhòr aig obair an t-Sabhail Mhòir air eaconamaidh agus coimhearsnachd na Gàidhlig agus tha a' Cholaiste a' creidsinn gu mòr ann a bhith a' sgaoileadh nam buannachdan sin a tha i a' cruthachadh gu maith ar coimhearsnachdan air fad.

Cùrsaichean is Oileanaich

'S e colaiste ùr-ghnàthach a th' ann an Sabhal Mòr Ostaig agus tha i na com-pàirtiche acadaimigeach ann an Oilthigh na Gàidhealtachd 's nan Eilean. Tha goireasan ionnsachaidh air leth ann, leabharlann sònraichte, spèisealta, agus tha àiteachan-fuirich agus ionad cùraim chloinne air an àrainn.

Sa bhliadhna acadaimigeach 2018-19, bha 178 oileanach clàraichte air cùrsaichean àrd-ìre agus bha 1006 oileanaich againn am-bliadhna air na cùrsaichean goirid (àm na Càisge agus as t-Samhradh). A bharrachd air sin, tha còrr is 200 air a' Chùrsa Inntrigidh - cùrsa astair do luchd-tòiseachaidh. Bidh deagh mheasgachadh de dh'oileanaich a' tighinn don Cholaiste, aig diofar aoisean agus à diofar àiteachan. 'S ann às Alba agus an Rìoghachd Aonaichte a bhios a' mhòr-chuid ach tha oileanaich air tighinn thugainn às na Stàitean Aonaichte, dùthchannan Eòrpach agus Àisia cuideachd. Thig oileanaich à co'rr is 25 dùthaich is 5 mòr-dhùthaich air na cùrsaichean goirid.

Tha luchd-ceumnachaidh an t-Sabhail air a dhol air adhart gu dreuchdan Gàidhlig ann an iomadach gnìomhachas, a' cur nan sgilean aca gu feum ann an leasachadh a' chànain. Ann an 2017 chaidh clach-mhìle shònraichte a chomharrachadh agus còrr is 1,000 oileanach a-nis air teisteanas no ceum a thoirt amach bho thòisich iad a' ceumnachadh ann an 1985.

Foghlam Leantainneach

Cùrsaichean Goirid - Gàidhlig - gach ìre

Cùrsaichean Goirid - Ceòl - measgachadh

An Cùrsa Inntrigidh - do luchd-tòiseachaidh air astar

Preantasachdan Bunaiteach (FA) – Na Meadhanan Didseatach, Cùram-chloinne

Foghlam Ard ìre

An Cùrsa Adhartais - do luchd eadar-mheadhanach air astar

An Cùrsa Comais - do luchd eadar-mheadhanach (làrach is astar) Gàidhlig is Conaltradh - bliadhna cànan do dh'fhileantaich (làrach)

Dioplòma HE anns na Meadhanan Gàidhlig

Ceumannan

BA (Urr) Gàidhlig is Leasachadh

BA (Urr) Gàidhlig is Ceòl Traidiseanta

BA (Urr) Gàidhlig is Foghlam (teisteanas teagaisg na lùib)

BA (Urr) Cànan is Cultar na Gàidhlig

For-cheumannan

MSc Gàidhlig is Eachdraidh na Gàidhealtachd

Modal ann an Sgilean Deasachaidh

Sgilean Eadar-theangachaidh (ga dhearbhadh) PG Cert Cultar agus Dualchas na h-Alba (astar)

STREAP – Teisteanas for-cheum do thidsearan

Cothroman MLitt agus

Roinnean na Colaiste

Thòisich Dr Gillian Rothach mar Phrionnsapal na Colaiste san Lùnastal 2018. Tha Gillian gu mòr airson inbhe an t-Sabhail Mhòir mar phrìomh àite-ionnsachaidh na Gàidhlig agus mar phrìomh àite acadaimigeach airson foghlam tro mheadhan na Gàidhlig, a leasachadh agus a neartachadh san àm ri teachd. Tha Sabhal Mòr Ostaig mar àite-ionnsachaidh do dh'oileanaich agus mar àite-cleachdaidh don luchd-obrach.

ROINN AN FHOGHLAIM AGUS RANNSACHAIDH

Tha an t-lar-phrionnsapal agus Stiùiriche an Fhoghlaim, Dr. Marsaili NicLeòid, os cionn na roinne seo. Le còrr is 50 neach-obrach, tha farsaingeachd san roinn seo a' còmhdachadh foghlam àrd-ìre, leantainneachd, rannsachadh agus seirbheisean taic foghlaim. Tha Marsaili gu sònraichte a' coimhead ri cothroman àrd-ìre a leasachadh. Tha obair Rannsachaidh na Colaiste a' sìor dhol am meud cuideachd fo stiùir a' Mhanaidseir Rannsachaidh, le àrd-amasan airson REF 2021. Tha am Manaidsear Leasachaidh Foghlam Adhartaich a' leasachadh cothroman a thaobh chùrsaichean ghoirid, aig astar, sa choimhearsnachd agus aig ìrean Preantasachd.

ROINN LEASACHAIDH

Tha leasachadh aig cridhe feallsanachd an t-Sabhail Mhòir. Tha a' Cholaiste an-dràsta a' leasachadh na Cille Bige far a bheil sinn ag amas air baile a chruthachadh le Gàidhlig aig cridhe na cùise. Chaidh a' chiad dà thaigh a thogail o chionn còrr is dà bhliadhna is dà theaghlach air gluasad a-staigh. Tha an dàrna ìre an ìmpis tòiseachadh le còrr is 20 taigh na lùib. Tha an Stiùiriche Leasachaidh, Donnie Rothach, os cionn na Roinn Leasachaidh agus n h-Ealain, le taic bho sgioba na h-Oighreachdan.

Tha sgioba na h-Aoigheachd san roinn seo cuideachd, a' cumail seirbheis phroifeasanta do dh'oileanaich, luchd-obrach agus aoighean fad na bliadhna. Taobh a-muigh semeastairean bidh a' Cholaiste trang le co-labhairtean bho gach ceàrn den t-saoghal a bharrachd air na Cùrsaichean Goirid againn.

ROINN CHORPORRA AGUS IONMHAIS

Tha an Stiùiriche Corporra agus an Stiùiriche Ionmhais os cionn roinnean agus bhuidhnean corporra sa Colaiste, nam measg ionmhas, ICT, sgiobachd, margaideachd agus pròiseactan. Tha conaltradh, leasachadh luchd-obrach agus leasachadh gnìomhachais mar phàirt chudromach den roinn corporra. Bidh an sgioba ionmhais a' cumail taic ri pròiseactan taobh a-muigh na Colaiste cuideachd m.e. Ionad Chalum Chille Ile, CGS (Cànan) agus pròiseactan mar Tobar an Dualchais, Ainmean Àite na h-Alba Faclair na Gàidhlig.

Fiosrachadh Feumail Eile

Bidh Sabhal Mòr Ostaig a' faighinn maoinachadh bhon Riaghaltas (Achd Dualchais na h-Alba), bhon Chomhairle Mhaoineachaidh (airson foghlam leantainneach) agus bhon Chomhairle Mhaoineachaidh, tro OGE, airson foghlam àrd-ìre. A bharrachd air sin, bidh tabhartasan sònraichte a' tighinn thugainn m.e. airson rannsachaidh, bidh sinn a' togail airgid tro chìsean chùrsaichean agus tro aoi gheachd agus àiteachan-fuirich sa Cholaiste.

Sgrìobhainnean feumail eile

[Ro-innleachd 2017-22](#)

[Rannsachadh aig SMO](#)

[Plana Cànan na Colaiste 2017-22](#)

[Aonta Thoraidhean \(Outcome Agreement\)](#)

[Sgeama Co-ionannachd na Colaiste](#)

[Plana Gnìomh Gnè](#)

Àrainneachd Bheothail

'S e stèidheachd ionnsachaidh bheothail, adhartach a th' ann an Sabhal Mòr Ostaig, a bhios ag amas air coimhearsnachd Ghàidhlig làn mhisneachd is soirbheachais a bhrosnachadh. Tha iomadh pròiseact agus buidheann stèidhichte air làrach na Colaiste (faicibh an liosta gu h-ìosal), agus iomadh tachartas ionadail air an cumail ann cuideachd.

Tha iomadh togalach againn air an làraich agus bidh buidhnean is pròiseactan stèidhichte againn a' dearbhadh cho cudromach 's a tha com-pàirteachas ann an saoghal na Gàidhlig agus mar a tha a' Cholaiste cuideachd a' cumail taic ri gnìomhachasan anns an sgìre fhèin.

Togalaichean

Àrainn Ostaig (AO)

Seo am prìomh togalach, an Sabhal fhèin, far an do thòisich foghlam Gàidhlig aig ìre colaiste ann an 1973. Thathas ga chleachdadh a-nis airson chèilidhean san Talla Mhòr, ionad-spòrs beag, oifisean air mhàl agus àite coinneachaidh nan oileanach fhèin. Tha seòmraichean cadail agus stiùidio clàraidh fuaim cuideachd stèidhichte aig AO.

Ionad Iain Nobail

Seo an togalach às ùire aig a' Cholaiste. Chaidh fhosgladh ann an 2015 leis a' Phrìomh Mhinistear Nicola Sturgeon. An seo tha roinn rianachd na Colaiste, a' mhòr-chuid den luchd-teagaisg is rannsachaidh agus clasaichean na ciad bhliadhna. Tha oileanaich rannsachaidh na Colaiste agus a' chompanaidh dealbhachaidh Cànan suidhichte an seo cuideachd.

Fàs

Seo agaibh an togalach airson bhuidhnean is ghnìomhachasan cruthachail is cultarail le measgachadh de phròiseactan is chompanaidhean stèidhichte ann.

Àrainn Chaluim Chille (ACC)

Seo far am bi tòrr dhen teagasg is ionnsachadh a' tachairt, agus tha an t-Iar-phrionnsapal, an Leabharlann agus an seòmar-bidhe an seo. Tha àiteachan-fuirich air gach taobh dhen prìomh thogalach.

Pròiseactan (far a bheil com-pàirt aig a' Cholaiste)

SOILLSE

Faclair na Gàidhlig

Ainmean Àite na h-Alba

Tobar an Dualchais

Companaidhean agus Buidhnean leis a' Cholaiste

Fàs Mòr - ionad cùraim chloinne

Cànan (CGS) - Companaidh ioma-mheadhan na Colaiste

SkyeSpace - stiùidio agus goireasan clàraidh

Luchd-màil

Dualchas - ailtirean

Seumas Ó Baoighille Ltd - gnìomhachas ionadail

DEARG - Bùth ghibhitean

SEALL – companaidh ealain ionadail

Sealladh - companaidh riochdachaidh telebhisein

Young Films – companaidh film

TIOTAL-OBACH	Co-òrdanaiche nan Cùrsaichean Goirid
ROINN	Roinn an Fhoghlaim
AN URRA RI	Manaidsear Leasachaidh Foghlam Adhartaich
UALLACH AIRSON	Neach-rianachd nan Cùrsaichean Goirid
SGEÌLE THUARASTAIL	£23-25,000 (a rèir sgilean is eòlais)
PRÌOMH ÀITE-OBACH	Sabhal Mòr Ostaig, Slèite, An t-Eilean Sgitheanach, IV44 8QR

PRÌOMH AMAS NA H-OBACH

Cùrsaichean Goirid na Colaiste a cho-òrdanachadh

PRÌOMH UALLAICHEAN

- A’ co-òrdanachadh nan Cùrsaichean Goirid agus nan gnìomhan co-cheangailte riutha, m.e. àiteachan fuirich, oidean, clàran-ama, cùmhnantan oidean, tachartasan sòisealta is eile
- Tachartasan sòisealta nan Cùrsaichean Goirid a chur air dòigh agus an luchd-taic a’ stiùireadh gus iad seo libhrigeadh gu soirbheachail
- A’ dèanamh cinnteach gu bheil cùisean air dòigh airson prògram nan cùrsaichean goirid a libhrigeadh gu soirbheachail
- An co-bhonn ri sgioba Margaideachd na Colaiste, a bhith a’ cur gnìomhan margaideachd nan Cùrsaichean Goirid air dòigh agus tachartasan a fhrithealadh mar a bhiodh iomchaidh
- Ag ullachadh fiosrachaidh mu Chùrsaichean Goirid airson duilleagan làrach-lìn na Colaiste agus na meadhanan sòisealta
- A’ cuideachadh le trèanadh is inntrigeadh luchd-oide (an co-bhonn ri Manaidsear Leasachaidh Foghlam Adhartaich)
- A’ leudachadh chlàr nan Clasaichean Coimhearsnachd agus an libhrigeadh gu h-èifeachdach
- A’ cumail taic ri Manaidsear Leasachaidh Foghlam Adhartaich le Preantasachdan
- A’ cumail taic ri Neach Rianachd nan Cùrsaichean Goirid aig amannan trang
- Sùil a chumail ri ur sàbhailteachd fhèin agus sàbhailteachd dhaoine eile
- Obair sam bith a dhèanamh ann an deagh àm agus a rèir clàr-ama na roinne/a’ Mhanaidseir
- Deagh-ghnè na Colaiste a choileanadh agus a leasachadh
- Obair iomchaidh sam bith eile a dhèanamh mar a bhios feum aig a’ Cholaiste bho àm gu àm.

Seo tuairisgeul air an obair mar a tha e. Sa chumantas thèid beachdachadh air seo bho àm gu àm gus dèanamh cinnteach gu bheil e iomchaidh agus gus atharrachaidhean sam bith a dhèanamh. Thèid seo a dhèanamh leis an neach-obrach agus a' mhanaidsear aige/aice agus mar sin thathas a' sùileachadh gun gabhar pàirt anns na còmhraidhean seo. Tha Sabhal Mòr Ostaig ag iarraidh gun gabh cùisean aontachadh leis gach neach ach far a bheil seo do-dhèante, tha còraichean aig Sabhal Mòr Ostaig air atharrachaidhean ciallach a dhèanamh a rèir tuarastal an neach-obrach às dèidh bruidhinn ris/rithe mun chùis.

An Gearran 2020

Sònrachadh Pearsa

Sgìlean	Riathanach	Miannach
Foghlam	Ceum no teisteanas HE a tha iomchaidh	Teisteanas ann an aoigheachd no planadh thachartasan
Sgìlean Gàidhlig	Fileanta sa Ghàidhlig	Teisteanas anns a' Ghàidhlig Fianais air obair le buidhnean Gàidhlig
Eòlas	Eòlas air eagrachadh agus cò-òrdanachadh Eòlas air cruthachadh agus neartachadh dhàimhean le daoine aig diofar ìrean	Eòlas san fharsaingeachd air deagh-ghnè Eòlas mu ghnothaichean GDPR
Sgìlean agus Comasan	Sàr sgìlean conaltraidh agus eadar-phearsanta Comas daoine a stiùireadh agus a bhrosnachadh gus toirt orra a bhith ag obair aig àirde an cuid chomasan Comas obrachadh leibh fhèin Comas obrachadh ann an sgioba	Sgìlean gnìomhachais is cruthachail Sgìlean IT airson a bhith ag obair air làraich-lìn, excel agus stòran-data
Eile	Deòin ur sgìlean a leasachadh aig ìre phroifeasanta mar a chithear iomchaidh Deòin Sabhal Mòr Ostaig OGE a riochdachadh ann an iomadach suidheachadh agus còmhla ri buidhnean aig a bheil ceangail ris a' Cholaiste na a dh'fhaodadh ùidh a nochdadh sa Cholaiste Deòin a bhith ag obair gu sùbailte aig na h-amannan trang	Cead dràibhidh Deòin a bhith siubhal

Fiosrachadh Eile

- 'S e Sabhal Mòr Ostaig am fastaiche
- Bidh thu ag obair 35 uairean san t-seachdain
- Gheibhear 35 saor-latha sa bhliadhna (làithean poblach nam measg). Cha tèid na làithean a chuingealachadh ach cumar 10 làithean ag àm na Nollaige leis gum bi a' Cholaiste fhèin dùinte. Bidh bliadhna nan saor-làithean a' ruith eadar 1 Am Faoilleach – 31 An Dùbhlachd agus cha ghabh an cumail chun na h-ath bhliadhna.
- Tha siostam luachadh-obrach stèidhichte aig a' Cholaiste
- Thathar a' sùileachadh gun gabh luchd-obrach pàirt anns na cùrsaichean trèanaidh riatanach agus gum bi iad deònach an cuid leasachadh proifeiseanta a leasachadh
- Tha Sabhal Mòr Ostaig a' cur taic ri leasachadh sgilean Gàidhlig agus comasan proifeasanta
- Taha Sabhal Mòr Ostaig a' gabhail pàirt anns an sgeama Cycle to Work
- Tha sgeama peinnsein aig an t-Sabhal Mhòr le Scottish Widows agus bidh cothrom aig luchd-obrach clàradh san sgeama àrachais-beatha cuideachd
- Feumar a dhol tro sgrùdadh PVG, seach gur e colaiste a th' ann an Sabhal Mòr Ostaig
- 'S e Sabhal Mòr Ostaig prìomh àite na h-obrach ged a bhios agaibh ri siubhal bho àm gu àm gu coinneamhan is tachartasan. Bhite deònach coimhead ri beagan sùbailteachd airson dreuchd mar seo far am biodh cothrom ann a bhith ag obair an dà chuid bhon taigh agus aig a' Cholaiste.

Fios mu Iarrtasan

Co-ionannachd Chothroman

Tha co-ionannachd chothroman aig cridhe Shabhal Mòr Ostaig.

Tillibh litir agus foirm-iarrais gu:

Sgiobachd
Sabhal Mòr Ostaig
An Teanga
An t-Eilean Sgitheanach
IV44 8QR

No air post-d gu: obair@smo.uhi.ac.uk

Ceann-là: 5f Dihaoine 21na an Gearran

Agallamhan: Diluain 2na Am Màrt

Faodar còmhradh neo-fhoirmeil a chumail le Iain Fionnlagh MacLeòid, Manaidsear Leasachaidh Foghlam Adhartaich air 01471 888 244, im2.smo@uhi.ac.uk no Nicola NicThòmais, Stiùiriche Chorpóra, 01471 888 301, nnt.smo@uhi.ac.uk